



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Tel: 032 650 022
032 650 341
Fax: 032 650 416

www.opcina-tesanj.ba
E-mail: optesanj@bih.net.ba
esmir.subasic@opcina-tesanj.ba



Trg Alije Izetbegovića 11,
74260 Tešanj

PRIJEDLOG

Na osnovu člana 14. Zakona o zdravstvenoj zaštiti („Službene novine Federacije Bosne i Hercegovine“, broj:46/10) i člana 14. Statuta Općine Tešanj (*Službeni glasnik općine Tešanj*, broj:11/07), Općinsko vijeće Tešanj na svojoj ____ sjednici održanoj _____ godine d o n o s i

O D L U K U o osnivanju Zdravstvenog savjeta

Član 1.

Općinsko vijeće osniva Zdravstveni savjet kao oblik društvene brige za zdravlje na nivou općine.

Član 2.

Nadležnosti Zdravstvenog savjeta su: da planira i evaluira provođenje zdravstvene zaštite na području općine Tešanj, daje mišljenje na planove i programe zdravstvene zaštite, predlaže mjere za poboljšanje dostupnosti i kvaliteta zdravstvene zaštite, prati povrede prava pacijenata i preduzima mjere za unapređenje tih prava na svom području, te obavlja i druge poslove i zadatke u skladu sa propisima o pravima, obavezama i odgovornostima pacijenata.

Član 3.

Konačan broj članova koji će učestvovati u radu Zdravstvenog savjeta određiće se izmjenama i dopunama Statuta Općine Tešanj.

Član 4.

Do donošenja izmjena i dopuna Statuta Općine Tešanj, Zdravstveni savjet će brojati 9 članova. U radu Zdravstvenog savjeta će učestvovati: predstavnik općine -jedan član, predstavnik pacijenata-jedan član, predstavnik sindikata-jedan član, predstavnik zdravstvenih ustanova- tri člana, privatnih praksi-dva člana i Crvenog krsta -jedan član.

Član 5.

Općinski načelnik će na prijedlog nadležne Službe za društvene djelatnosti, komunalne poslove i ekologiju donijeti Rješenje o imenovanju članova Zdravstvenog savjeta.

Član 6.

Ova Odluka stupa na snagu narednog dana od dana objavljivanja u Službenom glasniku Općine Tešanj.

**PREDSJEDAVAJUĆI
OPĆINSKOG VIJEĆA**

Subašić Esmir

O B R A Z L O Ž E N J E

I - Pravni osnov

Pravni osnov za donošenje ove odluke čini: član 14. Zakona o zdravstvenoj zaštiti („Službene novine Federacije Bosne i Hercegovine“, broj:46/10), član 14. Statuta Općine Tešanj (Službeni glasnik općine Tešanj, broj:11/07).

II - Razlozi donošenja

Članom 14. Zakonom o zdravstvenoj zaštiti („Službene novine Federacije Bosne i Hercegovine“, broj:46/10) je određeno osnivanje Zdravstvenog savjeta kao oblik društvene brige za zdravlje na nivou općine, koji ima nadležnosti da planira i evaluira provođenje zdravstvene zaštite na području općine Tešanj, daje mišljenje na planove i programe zdravstvene zaštite, predlaže mjere za poboljšanje dostupnosti i kvaliteta zdravstvene zaštite, prati povrede prava pacijenata i preduzima mjere za unapređenje tih prava na svom području, te obavlja i druge poslove i zadatke u skladu sa propisima o pravima, obavezama i odgovornostima pacijenata.

Kako je prijedlog ove Odluke opravdan i utemeljen, podnosim Općinskom vijeću isti na razmatranje.

OBRADIVAČ
Služba za društvene djelatnosti
komunalne poslove i ekologiju

Suad Huskić, prof.

PREDLAGAČ
Općinski načelnik

Fuad Šišić, dipl. ing. maš.

Broj: 03-02-1-866/12.

Datum: 15.03.2012. godine